

შპს „რ - რ ა დ ი ო“

№ 04-17

„13“ ნოემბერი 2014 წ.

საქართველოს კომუნიკაციების ეროვნული კომისიის
თავმჯდომარის მოვალეობის შემსრულებელს
ბატონ აკაკი სიხარულიძეს

ბატონო აკაკი,

მივიღეთ თქვენი 13. 11. 2014 წლის №04/2345-14 წერილი. აღნიშნულ წერილში მითითებულ ვადებში გაწვდით უკანასკნელი ერთი კვირის არქივს (ეთერის ჩაწერა: 06.11.2014 წლიდან – 13.11.2014 წლამდე) ციფრულ მატარებელზე (3 დისკი თან ერთვის).

მოგახსენებთ, რომ „რ-რადიო“-სა და თქვენს წერილში აღნიშნულ „რადიო სპუტნიკს“ შორის არ არსებობს არანაირი ხელშეკრულება. სავარაუდოდ, საუბარია ჩვენსა და შპს „საერთაშორისო ინფორმაციის სააგენტო ნიუსჯორჯია“-ს შორის ზეპირი შეთანხმების შესახებ. ამ შეთანხმების საფუძველზე ჩვენს ეთერში ერთთვიანი საცდელი ვადით ყოველდღიურად 4 საათის განმავლობაში (07:00 – 08:00; 20:00 – 21:00; 21:00 – 22:00; 22:00 – 23:00) გადის გადაცემები საფირმო ბრენდ-ნეიმით: „რადიო-სტუდია სპუტნიკი საქართველო“. ეს გადაცემები საცდელი მაუწყებლობის ხასიათს ატარებს.

„რადიო-სტუდია სპუტნიკი საქართველო“ არ არის მაუწყებელი. ის მხოლოდ სტუდიაა, რომელიც ამზადებს აუდიო გადაცემებს. ჩვენს ხელთ არსებული ინფორმაციით გადაცემების მომზადება ხორციელდება შპს „სინდიკატი 104,3“ მატერიალურ-ტექნიკურ ბაზაზე (ქ. თბილისი, ატენის ქ. №18ა).

შეთანხმების თანახმად, თანამშრომლობა ჩვენსა და შპს „საერთაშორისო ინფორმაციის სააგენტო ნიუსჯორჯია“-ს შორის დაიწყო 01. 11. 2014 წელს. შესაბამისად, მათ პირველი გადაცემა უნდა მოეწოდებინათ 01. 11. 2014 წელს. თუმცა „რადიო-სტუდია სპუტნიკი საქართველო“-ს ბრენდ-ნეიმით მომზადებული გადაცემები ჩვენ ეთერში პირველად 04. 11. 2014 წელს გავიდა. შპს „საერთაშორისო ინფორმაციის სააგენტო ნიუსჯორჯია“-ს განმარტებით დაგვიანების მიზეზს ტექნიკური სახე ჰქონდა.

ჩვენ გამოვთქვამთ გაკვირვებასა და შეშფოთებას მას-მედიაში გავრცელებული არასწორი ინფორმაციისა და არაჯანსაღი აუიოტაჟის გამო. კერძოდ, გავრცელებული ინფორმაციით 10. 11. 2014 წლიდან საქართველოში უცხოური სახელმწიფო მაუწყებელი სახელწოდებით „Sputnik“-ი შემოვიდა, რომელიც, თითქოს მაუწყებლობს 101,4 მგჰც სიხშირის თალღაზე. ეს ინფორმაცია არ წარმოადგენს სინამდველეს.

